



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐ ՀՐԱՄԱՆ

№ 88 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՄԻԳՐԱՑԻԱՅԻ ԵՎ ՔԱՂԱՔԱՑԻՈՒԹՅԱՆ ԾԱՌԱՅՈՒԹՅԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՀԱՇՎԱՌՄԱՆ-ՔՆՆԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ, ԹՈՒՅԼՏՎՈՒԹՅՈՒՆՆԵՐԻ ԵՎ ԼԻՑԵՆԶԱՎՈՐՄԱՆ ՎԱՐՉՈՒԹՅԱՆ ԿՈՂՄԻՑ 2025 ԹՎԱԿԱՆԻ ԴԵԿՏԵՄԲԵՐ ԱՄՍՎԱ ՇՐՋԻԿ ՍՊԱՍԱՐԿՄԱՆ ԳՐԱՍԵՆՅԱԿՆԵՐԻ ՄԻՋՈՑՈՎ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑԸ ԵՎ ԵՐԹՈՒՂԻՆ ՍԱՀՄԱՆԵԼՈՒ ՄԱՍԻՆ

Ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով և հիմք ընդունելով Հայաստանի Հանրապետության վարչապետի 2023 թվականի մարտի 14-ի թիվ 270-Լ որոշմամբ հաստատված հավելվածի 19-րդ կետի 20-րդ ենթակետը.

Հ Ր Ա Մ Ա Յ ՈՒ Մ ԵՄ՝

1. Սահմանել Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ՀՀ ՆԳՆ ՄԲԾ) և Հայաստանի Հանրապետության ներքին գործերի նախարարության հաշվառման-քննական ծառայությունների մատուցման, թույլտվությունների և լիցենզավորման վարչության (այսուհետ՝ ՀՀ ՆԳՆ ՀԲԾՄԹԼՎ) կողմից 2025 թվականի դեկտեմբեր ամսվա շրջիկ սպասարկման գրասենյակների միջոցով մատուցվող ծառայությունների հետևյալ ցանկը՝

- 1) ՀՀ ՆԳՆ ՄԲԾ կողմից՝
 - ա. անձնագրի փոխանակում,
 - բ. հանրային ծառայությունների համարանիշի տեղեկանքի տրամադրում,
 - գ. հաշվառման տեղեկանքի տրամադրում,
 - դ. ժամանակավոր պաշտպանության վկայականի տրամադրում և (կամ) փոխանակում,
 - ե. հաշվառումից հանում,
 - զ. Լեռնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունում,
 - է. անձնագրերի մասին տեղեկանքի դիմումի տրամադրում,

ը. խորհրդատվության տրամադրում.

թ. Լեռնային Ղարաբաղից տեղահանված անձանց Հայաստանի Հանրապետության Նախագահի հրամանագրով ՀՀ քաղաքացիություն ստանալուց հետո առաջին անգամ ՀՀ քաղաքացու անձնագիր ստանալու վերաբերյալ դիմումների ընդունում:

2) ՀՀ ՆԳՆ ՀԲԾՄԹԼՎ կողմից՝

ա. տրանսպորտային միջոցի սեփականության վկայականի փոխանակում կամ կորստի դեպքում նորի տրամադրում,

բ. տրանսպորտային միջոցի հաշվառման վկայագրի փոխանակում կամ կորստի դեպքում նորի տրամադրում,

գ. տրանսպորտային միջոցի հաշվառման վկայագրում անձնագրային տվյալների փոփոխություն,

դ. տրանսպորտային միջոցի խոտանում,

ե. տրանսպորտային միջոցի հաշվառման ժամանակավոր կասեցում,

զ. սահմանափակումների մասին տեղեկանքի տրամադրում,

է. վարորդական իրավունքի վկայականի փոխանակում կամ կորստի դեպքում նորի տրամադրում:

2. ՀՀ ՆԳՆ ՄԲԾ պետ Նելլի Դավթյանին և ՀՀ ՆԳՆ ՀԲԾՄԹԼՎ պետ Արարատ Թևոսյանին՝ շրջիկ սպասարկման գրասենյակների միջոցով ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով համագործակցել պետական կառավարման և տեղական ինքնակառավարման մարմինների հետ՝ փոխհամաձայնեցված ժամանակացույցով՝ Հայաստանի Հանրապետության ներքին գործերի նախարարության լիազորությունների շրջանակում ծառայություններ մատուցելու համար:

3. Հաստատել 2025 թվականի դեկտեմբեր ամսվա շրջիկ սպասարկման գրասենյակների միջոցով մարզերում մատուցվող ծառայությունների ժամանակացույցը և երթուղին հետևյալ հաջորդականությամբ՝

1) դեկտեմբերի 4-ին՝ Լոռու մարզի Ստեփանավան համայնք՝ դիմումների ընդունման և խորհրդատվական ծառայությունների մատուցման աշխատանքներ.

2) դեկտեմբերի 4-ին՝ Շիրակի մարզի Ախուրյան համայնք՝ դիմումների ընդունման և խորհրդատվական ծառայությունների մատուցման աշխատանքներ.

3) դեկտեմբերի 4-ին՝ Կոտայքի մարզի Գառնի և Նոր Հաճն համայնքներ՝ նոյեմբերի 27-ին ընդունված դիմումների շրջանակներում փաստաթղթերի հանձնման աշխատանքներ.

4) դեկտեմբերի 11-ին՝ Գեղարքունիքի մարզի Ճամբարակ համայնք՝ դիմումների ընդունման և խորհրդատվական ծառայությունների մատուցման աշխատանքներ.

5) դեկտեմբերի 11-ին՝ Գեղարքունիքի մարզի Վարդենիս համայնք՝ դիմումների ընդունման և խորհրդատվական ծառայությունների մատուցման աշխատանքներ.

6) դեկտեմբերի 11-ին՝ Լոռու մարզի Ստեփանավան և Շիրակի մարզի Ախուրյան համայնքներ՝ դեկտեմբերի 4-ին ընդունված դիմումների շրջանակներում փաստաթղթերի հանձնման աշխատանքներ.

7) դեկտեմբերի 18-ին՝ Արարատի մարզի Արարատ համայնք՝ դիմումների ընդունման և խորհրդատվական ծառայությունների մատուցման աշխատանքներ.

8) դեկտեմբերի 18-ին՝ Վայոց Ձորի մարզի Վայք համայնք՝ դիմումների ընդունման և խորհրդատվական ծառայությունների մատուցման աշխատանքներ.

9) դեկտեմբերի 18-ին՝ Գեղարքունիքի մարզի Վարդենիս և Ճամբարակ համայնքներ՝ դեկտեմբերի 11-ին ընդունված դիմումների շրջանակներում փաստաթղթերի հանձնման աշխատանքներ.

- 10) դեկտեմբերի 25-ին՝ Կոտայքի մարզի Բյուրեղավան համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 11) դեկտեմբերի 25-ին՝ Կոտայքի մարզի Չարենցավան համայնք՝ դիմումների ընդունման և խորհրդատվական ծառայությունների մատուցման աշխատանքներ.
- 12) դեկտեմբերի 25-ին՝ Արարատի մարզի Արարատ և Վայոց Ձորի մարզի Վայք համայնքներ՝ դեկտեմբերի 18-ին ընդունված դիմումների շրջանակներում փաստաթղթերի հանձնման աշխատանքներ:

4. Հաստատել 2025 թվականի դեկտեմբեր ամսին շրջիկ սպասարկման գրասենյակների միջոցով Երևան քաղաքում Լեոնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունման հնարավորությունը՝ ըստ անհրաժեշտության հրամանի առկայության դեպքում:

5. Հաստատել 2025 թվականի դեկտեմբեր ամսին շրջիկ սպասարկման գրասենյակների միջոցով Երևան քաղաքում Լեոնային Ղարաբաղից տեղահանված անձանց Հայաստանի Հանրապետության Նախագահի հրամանագրով ՀՀ քաղաքացիություն ստանալուց հետո առաջին անգամ ՀՀ քաղաքացու անձնագիր ստանալու դիմումների ընդունման հնարավորությունը՝ ըստ անհրաժեշտության հրամանի առկայության դեպքում:

6. Հայաստանի Հանրապետության ներքին գործերի նախարարի մամուլի քարտուղար, հանրային հաղորդակցության և իրազեկման վարչության պետ Նարեկ Սարգսյանին՝ 2025 թվականի դեկտեմբեր ամսվա շրջիկ սպասարկման գրասենյակների միջոցով մատուցվող ծառայությունների սահմանված ժամանակացույցի և երթուղու վերաբերյալ իրականացնել հանրային իրազեկման աշխատանքներ:

7. Հայաստանի Հանրապետության ներքին գործերի նախարարության գլխավոր քարտուղար Արա Ֆիդանյանին՝ շրջիկ սպասարկման գրասենյակների աշխատանքների իրականացման ընթացքում կազմակերպել գործուղումների պլանավորումը և ֆինանսական միջոցների հատկացման գործընթացները:

8. Սույն հրամանի կատարման նկատմամբ հսկողությունը վերապահել Հայաստանի Հանրապետության ներքին գործերի նախարարի տեղակալ Արմեն Ղազարյանին:

Ա. ՍԱՐԳՍՅԱՆ
27.11.2025թ.

ՀԱՍՏԱՏՎԱԾ Է
ԷԼԷԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ